

Gvangjsih Minzcuz Bau

ganhhau: CN45-0036 B.2016 Nd.1 Ng.6 liggaueq ietfeih nienz ndwenit ngeihcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3206期

Swcigih Minzveij Minzyijveij Ok Cienz Bang Lanzmoeg Vahcuengh Gvangjbo Densidaiz Denzlinz Yen

自治区民委民语委资助田林县广播电视台壮语栏目

Mboengqneix, Swcigih Minzveij, Minzyijveij ok cienz 14 fanh maenz bang lanzmoeg Vahcuengh gvangjbo densidaiz Denhlinz Yen, ndawde Swcigih Minzveij ok 10 fanh maenz, Swcigih Minzyijveij ok 4 fanh maenz, bangcoengh boiqdap lanzmoeg doxgaiq yungh, daezsang cuengqok gisuz caeuq cizlieng. Seizneix, cienz bangcoengh cienzbouh bued roengz daengz aen

lanzmoeg neix cawx doxgaiq yungh.

Gvangjbo densidaiz Denzlinz Yen seizneix haicuengq Vahcuengh densi cezmu: 《Sinhvwnz Vahcuengh Denzlinz》《Diendeih Heiquengh》《Fwen Moq Vahcuengh》sam aen lanzmoeg, lanzmoeg youq 2014 nienz 7 nyied haicuengq, ndaej daengz dangdieg vunz lai haengjyaez.

Daengz bi' gvaq 11 nyied daej, aen

lanzmoeg neix gungh loegguh 《Sinhvwnz Vahcuengh Denzlinz》137 geiz, loegcaux cuengqok Heiquengh 100 lai bouh. Doiq senhconz loh sienq, fuengcim caeuq cwngeuz dangj, swncienz caeuq fatyengz dangdieg vwnzva minzcuz maenhndei, fungfouq vunz lai vwnzva saedcej, miz gaenxmaenx doidoengh cozyung.

(Banh Sauginh/潘少君)

SIUSIK DINJ

简讯

● Gaenh geij bi neix daeuj, Fuconh Yauzcuz Swciyen gunghsanghiz, linzyezgiz, suiijojbanh daengj bumwnz daj cienz, gisuz, beizyin saenqsik daengj fuengmienh gaenxmaenx bangcoengh bouxndaemmak lai dajndaem gomak, seizneix, daengx yienh ndaem makdoengj 35 fanh moux.

(Cinz Yengiz)

● 2015 nienz 12 nyied 31 hau, Liujcouh Si banh gaiq daih' it nungzyez bozlanjvei, makgaemjgaet Yungzanh Yen aenmak lwenq feihdauh ndei ndaej daengz haujlai siminz haengjyaez. Ciuq cam rox, Yungzanh Yen ndaem makgaemjgaet mienh-cik daih' iek 11.5 fanh moux, bi gai makgaemjgaet daih' iek 9.5 fanh dun, canjlieng caeuq cizlieng youq daengx guek dieg ndaem makgaemjgaet ciemq baizgonq.

(Vangz Gozliengz)

● 2015 nienz 12 nyied 30 hau, bouxguh Hong Guengsae Bouxcanciez Bangbouj Doxgaiq Cungsime bae daengz Ningzmingz Yen vih 13 boux lwgnyez canzciz cang ga gyauihingzgi mbouj aeu cienz, ndaej daengz cawjranz lwgnyez canzciz haenh ndei.

(Cauh Yizganh Vangz Haunwngz)

● 1 nyied 1 hau, Lungzcuh Yen gak yangh cunh haiguh gak cungj cangqheiq doxhwnj hozdung, youh ciengq youh diuq yienh' ok faenh sim bauqdap gij aencingz dangj caeuq cwngfuj, danqciengq guekgia haeujlaeg gajgwz heiqsik moq caeuq saedcej moq.

(Cinz Youjcaiz)

● 1 nyied 1 hau, Yungzsuij Myauzcuz Swciyen Anhdai Yangh Gyanghcuz Mbanjmyauz haiguh bi moq soengq raeuj hozdung, youz daih' it suhgi daiq doih, soengq haeuxsan, denz, youzgwn daengj simndei doxgaiq hawj dangjyenz laux gungzhoj, angqhoh bi moq daeujdaengz.

(Hoz Sauhungz)

Lozcwngz: "Ciengj Ceiz" Ciep Cietndei



罗城: “抢粽子”迎佳节

2015 nienz 12 nyied 31 hau, Lozcwngz Mulaujcuz Swciyen Daihngaih Siujyoz cujiz daengx hagdanz lauxsae haiguh Mulaujcuz conzdungj dijyuz hanghmoeg "ciengj ceiz" doxdax, mboujdan swncienz minzcuz conzdungj vwnzva, youh gyalai lauxsae doxgyau, vih ngoenz yenzdan bi moq caux ok ngoenzciet heiqsik naekna. Ndaw doz dwg lauxsae cingq doxdax. (Liu Gvanghfuz/廖光福)

Yungzsuij Ndaej Aen Cwngheuh Ndei "Gizdieg Minzsuz Bak Ciet Cungguek"

融水喜获“中国百节民俗之乡”美誉

Mboengqneix, Cungguek Ndawbiengz Vwnzyi' gyah Hezvei ok sawvwnzgen aeu aen cwngheuh ndei "gizdieg minzsuz bak ciet Cungguek" hawj Yungzsuij Myauzcuz Swciyen. Yungzsuij dwg dieggyae diegbya saujsu minzcuz Myauzcuz guhcawj he, daengx yienh gak minzcuz conzdungj ngoenzciet fungfouq, minzcuz ndawbiengz ngoenzciet lai daengz 130 lai aen, ceiq miz daiqbiuj dwg Myauzcuz ciet aenvenz maxdoxdik, Yauzcuz ciet Buenzvuengz, Bouxcuengh cietfwen sam nyied sam daengj.

Vih baujhoh caeuq swncienz minzcuz ngoenzciet vwnzva, Yungzsuij

yungh lai cungj banhfap, gaenxmaenx cujiz minzcuz ndawbiengz ngoenzciet caeuq vunz lai vwnzva hozdung, guhbaenz le ciengzdai moq "cwngfuj doidoengh, ndawbiengz bangcoengh, vunz lai camgya, coicaenh hwngfat, doxgiet huzndei". Yungzsuij minzcuz ngoenzciet hozdung cungj dwg gij cujiz ndawbiengz gagnyienh heuh banh, gagrox camgya, ngoenzciet minzsuz faenbouh gvangq, fungcingz daegbied. Youq seiz bohohi caeuq beksingq naeksim gyalai vwnzva doxgyau, minzcuz doxgiet caeuq doengzcaez hwngfat cinbu. Binaengz

cousou doeklaeng, youq Yungzsuij yienhsingz banh "Cungguek · Yungzsuij Myauzcuz ciet aenvenz maxdoxdik"; binaengz banh cietfwen "sam nyied sam"; byaibi beixnuengx Myauzcuz gvaq Myauznienz, beixnuengx Yauzcuz angqhoh "ciet Buenzvuengz", caeqbaeq cojcoeng, doiq fwen, yienj dinfwngz ak daengj.

Yungzsuij "gizdieg minzsuz bak ciet Cungguek" vwnzva binjbaiz cauxlaeb guhbaenz, yaek ndaej rengzrwd dwk fungfouq caeuq guh hung Yungzsuij dieg minzcuz vwnzva binjbaiz neihanz caeuq yingjyangjiz.

(Liengz Cunghyiz/梁忠于)